


# АЗБУКА ВЕРЫ



## Молитвы утренние

Молитвослов 2024

# Молитвы утренние



- См. также: [Молитвы утренние с толкованием](#)
- [Раздел: Молимся по часам](#)

## Начало обычное

### Молитва предначинательная

Господи Иисусе Христе, Сыне Божий, молитв ради Пречистой Твоей Матере и всех святых, помилуй нас. Аминь.

### Трисвятое

Святый Боже, Святый Крепкий, Святый Безсмертный, помилуй нас. *(Читается трижды, с крестным знаменем и поясным поклоном.)*

Слава Отцу и Сыну и Святому Духу, и ныне и присно и во веки веков. Аминь[2].

### Молитва ко Пресвятой Троице

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. *(Трижды).*

Слава Отцу и Сыну и Святому Духу, и ныне и присно и во веки веков. Аминь.

### Молитва Господня

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

## **Тропари Троичные**

Воста́вше от сна, припа́даем Ти, Бла́же, и а́нгельскую песнь вопи́ем Ти, Си́льне: Свят, Свят, Свят еси́, Бо́же, Богоро́дицею поми́луй нас.

Сла́ва Отцу́ и Сы́ну и Свято́му Ду́ху.

От одра́ и сна воздв́игл мя еси́, Го́споди, ум мой просвети́ и се́рдце, и устне́ мой отве́рзи, во е́же пе́ти Тя, Свята́я Трои́це: Свят, Свят, Свят еси́, Бо́же, Богоро́дицею поми́луй нас.

И ны́не и при́сно и во ве́ки веко́в. Ами́нь.

Внеза́пно Судия́ приидет, и коего́ждо дея́ния обнажа́тся, но стра́хом зове́м[3] в полу́нощи: Свят, Свят, Свят еси́, Бо́же, Богоро́дицею поми́луй нас.

Го́споди, поми́луй. (12 раз)

## **Молитва ко Пресвятой Троице**

От сна воста́в, благодарю́ Тя, Свята́я Трои́це, я́ко мно́гия ра́ди Твоея́ бла́гости и долготерпе́ния не прогне́вался еси́ на мя, лени́ваго и грешна́го, ниже́ погуби́л мя еси́ со беззако́нными мои́ми; но человеколю́бствовал еси́ обы́чно и в неча́янии лежа́щаго воздв́игл мя еси́, во е́же у́треневати и славосло́вити держа́ву Твою́. И ны́не просвети́ мой о́чи мы́сленныя, отве́рзи мой уста́ поуча́тися словесе́м Твои́м, и разуме́ти за́поведи Твоя́, и твори́ти во́лю Твою́, и пе́ти Тя во испове́дании се́рдечнем, и воспева́ти все́вятбо́е и́мя Твое́, Отца́ и Сы́на и Свята́го Ду́ха, ны́не и при́сно и во ве́ки веко́в. Ами́нь.

Прииди́те, поклони́мся Царе́ви на́шему Бо́гу. (Поклон)

Прииди́те, поклони́мся и припаде́м Христу́, Царе́ви на́шему Бо́гу. (Поклон)

Прииди́те, поклони́мся и припаде́м Само́му Христу́, Царе́ви и Бо́гу на́шему. (Поклон)

## **Псалом 50**

Поми́луй мя, Бо́же, по вели́цей ми́лости Твое́й, и по мно́жеству щедро́т Твои́х очи́сти беззако́ние мое́. Наипа́че омы́й мя от беззако́ния моего́, и от греха́ моего́ очи́сти мя; я́ко беззако́ние мое́ аз зна́ю, и грех мой пре́до мно́ю есть ви́ну. Тебе́ Еди́ному согреших и лука́вое пред Тобо́ю сотвори́х, я́ко да оправди́шися во словесе́х Твои́х, и победи́ши внегда́ суди́ти Ти. Се бо, в беззако́нных зача́т есмь, и во гресе́х роди́ мя ма́ти моя́. Се бо, и́стину возлюби́л еси́; безве́стная и та́йная премудро́сти Твоея́ явил ми еси́. Окропи́ши мя иссо́пом, и очи́щуся; омы́еши мя, и па́че сне́га убелю́ся. Слу́ху моему́ да́си ра́дость и весе́лие; возра́дуются ко́сти смире́нныя. Отврати́ лице́ Твое́ от грех мои́х и вся беззако́ния моя́ очи́сти. Се́рдце чи́сто сози́жди во мне, Бо́же, и дух прав обнови́ во утро́бе мое́й. Не отве́ржи мене́ от лица́ Твоего́ и Ду́ха Твоего́ Свята́го не отыми́ от мене́. Возда́ждь ми ра́дость спасе́ния Твоего́ и Ду́хом Влады́чним утверди́ мя. Научу́ беззако́нныя путе́м Твои́м, и нечести́вии к Тебе́ обратятся. Изба́ви мя от крове́й, Бо́же, Бо́же спасе́ния моего́; возра́дуется язы́к мой пра́вде Твое́й. Го́споди, устне́ мои отве́рзеши, и уста́ моя́ возвестят хвалу́ Твою́. Я́ко а́ще бы восхотел еси́ жер́твы, дал бых у́бо: всесожже́ния не благоволи́ши. Жер́тва Бо́гу дух сокруше́н; се́рдце сокруше́нно и смире́нно Бог не уничи́жит. Ублажи́, Го́споди, благоволе́нием Твои́м Сио́на, и да сози́ждутся стéны Иерусали́мския. Тогда́ благоволи́ши жер́тву пра́вды, возноше́ние и всесожега́емая; тогда́ возложат на олта́рь Твой тельца́.



## Символ веры

Вѣрую во единаго Бѣга Отца, Вседержителя, Творца небу и земли, видимым же всем и невидимым. И во единаго Господа Иисуса Христа, Сына Божия, Единороднаго, Иже от Отца рожденнаго прежде всех век; Света от Света, Бѣга истинна от Бѣга истинна, рожденна, несотворенна, единосущна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятаго же за ны при Понтийстем Пилате, и страдавша, и погребенна. И воскресшаго в третий день по Писанием. И возшедшаго на небеса, и седяща одесную Отца. И паки грядущаго со славою судити живым и мертвым, Егѣже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и славима, глаголавшаго пророки. Во едину Святую, Соборную и Апостольскую Церковь. Исповѣдую едино крещеніе во оставленіе грехов. Чаю воскресенія мертвых, и жизни будущаго века. Аминь.

### Молитва 1-я, прп. [Макария Великого](#) (†390)

Бѣже, очисти мя грешнаго, яко николиже сотворих благое пред Тобою; но избави мя от лукаваго, и да будет во мне воля Твоя, да неосужденно отверзу уста моя недостойная и восхвалю имя Твое святое, Отца и Сына и Святаго Духа, ныне и присно и во веки веков. Аминь.

### Молитва 2-я, того же святого

От сна востав, полунощную песнь приношу Ти, Спасе, и припадая вопию Ти: не даждь ми уснути во греховней смерти, но ущедри мя, распныйся волею, и лежащаго мя в лѣности ускори востави, и спаси мя в предстоянии и молитве, и по сне нощнем возсияй ми день безгрешен, Христѣ Бѣже, и спаси мя.

### Молитва 3-я, того же святого

К Тебѣ, Владыко Человеколюбче, от сна востав прибегаю, и на дела Твоя подвизаюся милосердием Твоим, и молюся Тебѣ: помози ми на всякое время, во всякой вещи, и избави мя от всякия мирския злыя вещи и диавольскаго поспешения, и спаси мя, и введи в Царство Твое вечное. Ты бо еси мой Сотворитель и всякому благу Промысленник и Податель, о Тебѣ же все упование мое, и Тебѣ славу возсылаю, ныне и присно и во веки веков. Аминь.

### Молитва 4-я, того же святого

Господи, Иже многою Твоею благостию и великими щедротами Твоими дал еси мне, [рабу Твоему](#), мимошедшее время нощи сея без напасти преити от всякаго зла противна; Ты Сам, Владыко, всяческих Творче, сподоби мя истинным Твоим светом и просвещенным сердцем творити волю Твою, ныне и присно и во веки веков. Аминь.

### Молитва 5-я, свт. [Василия Великого](#) (†379)

Господи Вседержителю, Бѣже сил и всякия плоти, в вышних живый и на смиренныя призираый, сердца же и утробы испытуй и сокровенная человеков яве предведый, Безначальный и Присносущный Свете, у Него же несть пременение, или преложения осенение; Сам, Безсмертный Царю, прими моления наша, яже в настоящее время, на множество Твоих щедрот дерзаяще, от скверных к Тебѣ устен творим, и остави нам прегрешения наша, яже делом, и словом, и мыслию, ведением, или неведением согрешенная нами; и очисти ны от всякия скверны плоти и духа. И даруй нам бодренным сердцем и трезвенною мыслию всю настоящаго жития нощь преити, ожидающим пришествия светлаго и

явленнаго дне Единорóднаго Твоегó Сына, Гóспода и Бóга и Спáса нáшего Иисúса Христá, вóньже со слáвою Судия всех приидет, кому́ждо отдáти по делóm егó; да не пáдше и обленíвшеся, но бóдрствующе и воздвìжени в дéлание[\*] обрящемся гóтoви, в рáдость и Божéственный чертóг слáвы Егó совнìдем, иде́же прáзднующих глас непрестáнный, и неизречéнная слáдость зрящих Твоегó лицá добрóту неизречéнную. Ты бо еси́ и́стинный Свет, просвещáяй и освящáяй вся́ческая, и Тя поёт вся тварь во вéки векóв. Амíнь.

### **Молитва 6-я, того же святого**

Тя благословím, вы́шний Бóже и Гóсподи мíлости, творя́щаго прíсно с нáми вели́кая же и неизслéдованная, слáвная же и ужáсная, íхже несть числá, пода́вшего нам сон во упокоéние нéмощи нáшей, и ослаблéние трудóв многотрудныя плóти. Благодарím Тя, яко не погубíл еси́ нас со беззакóнными нáшими, но человеколю́бствовал еси́ обы́чно, и в нечáянии лежáция ны воздвìгл еси́, во éже славослóвити держáву Твою́. Тёмже мо́лим безмёрную Твою́ блага́сть, просветí нáша мы́сли, очеса́, и ум наш от тяжкаго сна лéности возста́ви: отвёрзи нáша уста́, и испóлни я Твоегó хвалéния, я́ко да возмо́жем непоколеблемо пéти же и исповéдатися Тебé, во всех, и от всех слáвимому Бóгу, Безначáльному Отцú, со Единорóдным Твоём Сы́ном, и Всесвятým и Благím и Животворя́щим Твоём Дúхом, ны́не и прíсно и во вéки векóв. Амíнь.

### **Молитва 7-я, ко Пресвятой Богородице**

Воспева́ю благодáть Твою́, Влады́чице, молю́ Тя, ум мой облагодатí. Ступáти прáво мя наста́ви, путём Христóвых заповедей. Бдéти к пéсни укрепí, уны́ния сон отгоня́ющи. Свя́зана плени́цами грехопадéний, мольбáми Твоими́ разреши́, Богоневéсто. В но́щи мя и во дни сохраня́й, борю́щих враг избавля́ющи мя. Жизнодáтеля Бóга рóждшая, умерщвлéна мя страстьми́ оживí. Я́же Свет невечéрний рóждшая, дúшу мою́ ослéпшую просветí. О дíвная Влады́чняя палáто, дом Дúха Божéственна менé сотвори́. Врача́ рóждшая, уврачу́й ду́ши моея́ многолётныя стра́сти. Волну́ющаяся житéйскою бурею, ко стезí мя пока́яния напра́ви. Избáви мя огня́ вéчнующаго, и чёрвия же злáго, и тáртарa. Да мя не яви́ши бесóм рáдование, íже мно́гим грехóm повíнника. Но́ва сотвори́ мя, обетшáвшего нечúвственными, Пренепорóчная, согрешéнии. Стрáнна мýки вся́кия пока́жи мя, и всех Влады́ку умоли́. Небéсная ми улóчити весéлия, со все́ми святы́ми, сподóби. Пресвятáя Дéво, услы́ши глас непотрéбнаго рабá Твоегó. Струю́ дава́й мне слезáм, Пречíстая, ду́ши моея́ сквёрну очищáющи. Стенáния от сёрдца приношú Ти непрестáнно, усёрдствуй, Влады́чице. Молéбную слúжбу мою́ приими́, и Бóгу благоутрóбному принеси́. Превы́шшая Ангел, мирскáго мя превы́шша слíтия сотвори́. Светонóсная Сéне небéсная, духóвную благодáть во мне напра́ви. Рúце воздéю и устне́ к похвалéнию, осквернёны сквёрною, Всенепорóчная. Душетлéнных мя пакостей избáви, Христа́ прилéжно умоля́ющи; Емúже честь и поклонéние подобáет, ны́не и прíсно и во вéки векóв. Амíнь.

### **Молитва 8-я, ко Гóсподу нáшему Иисúсу Христú**

Многомíлостиве и Всемíлостиве Бóже мой, Гóсподи Иисúсе Христé, мно́гия рáди любвé сшел и воплотíлся еси́, я́ко да спасéши всех. И пáки, Спáсе, спасí мя по благодáти, молю́ Тя; áще бо от дел спасéши мя, несть се благодáть, и дар, но долг пáче. Ей, мно́гий в щедрóтах и неизречéнный в мíлости! Вéруяй бо в Мя, рекл еси́, о Христé мой, жив бúдет и не úзрит смёрти во вéки. Áще úбо вéра, я́же в Тя, спаса́ет отчáянных, се вéрую, спасí мя, я́ко Бог мой еси́ Ты и Создáтель. Вéра же вмéсто дел да вменíтся мне, Бóже мой, не обрящеши бо дел отню́д оправдáющих мя. Но та вéра моя́ да довлéет вмéсто всех, та да отвещáет, та да оправдít мя, та да пока́жет мя причáстника слáвы Твоея́ вéчныя. Да не úбо похíтит мя сатанá, и похвалíтся, Сло́ве, éже отторгнути мя от Твоея́ руки́ и ограды́; но или́ хошú, спасí мя, или́ не хошú, Христé

Спасе мой, предвари скоро, скоро погибох: Ты бо еси Бог мой от чрева матере моея. Сподоби мя, Господи, ныне возлюбити Тя, якоже возлюбих иногда той самый грех; и паки поработати Тебе без лености тощно, якоже поработах прежде сатане лстывому. Наипаче же поработаю Тебе, Господу и Богу моему Иисусу Христу, во вся дни живота моего, ныне и присно и во веки веков. Аминь.

### **Молитва 9-я, к Ангелу-Хранителю**

Святый Ангеле, предстояй окаянной моей души и страстной моей жизни, не остави мене грешнаго, ниже отступи от мене за невоздержание мое. Не даждь места лукавому демону обладати мною, насильством смертнаго сего телесе; укрепь бедствующую и худую мою руку и настави мя на путь спасения. Ей, святый Ангеле Божий, хранителю и покровителю окаянных моея души и тела, вся мне прости, еликими тя оскорбих во вся дни живота моего, и аще что согреших в прешедшую ночь сию, покрый мя в настоящий день, и сохрани мя от всякаго искушения противнаго, да ни в коем гресе прогневаю Бога, и молися за мя ко Господу, да утвердит мя в страхе Своем, и достойна покажет мя раба Своея благодати. Аминь.

### **Молитва 10-я, ко Пресвятой Богородице**

Пресвятая Владычице моя Богородице, святыми Твоими и всеильными мольбами отжени от мене, смиренного и окаяннаго раба Твоего, уныние, забвение, неразумие, нерадение, и вся скверная, лукавая и хульная помышления от окаяннаго моего сердца и от помраченного ума моего; и погаси пламень страстей моих, яко нищ есмь и окаянен. И избави мя от многих и лютых воспоминаний и предприятий, и от всех действий злых свободи мя. Яко благословенна еси от всех родов, и славится пречестное имя Твое во веки веков. Аминь.

### **Молитвенное призывание святого, имя которого носишь**

Моли Бога о мне, святый угодниче Божий (*имя*), яко аз усердно к тебе прибегаю, скорому помощнику и молитвеннику о душе моей.

### **Песнь Пресвятой Богородице**

Богородице Дево, радуйся, Благодатная Марие, Господь с Тобою; благословенна Ты в женах и благословен плод чрева Твоего, яко Спаса родила еси душ наших.

### **Тропарь Кресту и молитва за Отечество**

Спаси, Господи, люди Твоя, и благослови достояние Твое, победы православным христианом на сопротивных даруя, и Твое сохраняя Крестом Твоим жительство.

### **Молитва о живых**

Спаси, Господи, и помилуй отца моего духовнаго (*имя*), родителей моих (*имена*), сродников (*имена*), начальников, наставников, благодетелей (*имена*) и всех православных христиан.

### **Молитва об усопших**

Упокой, Господи, души усопших раб Твоих: родителей моих, сродников, благодетелей (*имена*), и всех православных христиан, и прости им вся согрешения вольная и невольная, и даруй им Царствие Небесное.

*Если можешь, читай вместо кратких молитв о живых и усопших этот помянник:*

## **О ЖИВЫХ**

Помяни, Господи Иисусе Христе, Боже наш, милости и щедроты Твоя от века сущия, ихже ради и вочеловечился еси, и распятие и смерть, спасения ради право в Тя верующих, претерпети изволил еси; и воскрес из мертвых, вознелся еси на небеса и седиши одесную Бога Отца, и призираеши на смиренныя мольбы всем сердцем призывающих Тя: приклони ухо Твое, и услыши смиренное моление мене, непотребнаго раба Твоего, в воню благоухания духовнаго, Тебе за вся люди Твоя приносящаго. И в первых помяни Церковь Твою Святую, Соборную и Апостольскую, юже снабдел еси честною Твоею Кровию, и утверди, и укрепь, и расшири, умножи, умири, и непребориму адовыми вратами во веки сохрани; раздирания Церквей утиши, шатания языческаго угаси, и ересей востания скоро разори и искорени, и в ничтоже силу Святаго Твоего Духа обрати. *(Поклон)*

Спаси, Господи, и помилуй богохранимую страну нашу, власти и воинство ея, да тихое и безмолвное житие поживем во всяком благочестии и чистоте. *(Поклон)*

Спаси, Господи, и помилуй Великаго Господина и Отца нашего Святейшего Патриарха *(имя)*, преосвященныя митрополиты, архиепископы и епископы православныя, иереи же и диаконы, и весь причет церковный, яже поставил еси пасты словесное Твое стадо, и молитвами их помилуй и спаси мя грешнаго. *(Поклон)*

Спаси, Господи, и помилуй отца моего духовнаго *(имя его)*, и святыми его молитвами прости моя согрешения. *(Поклон)*

Спаси, Господи, и помилуй родители моя *(имена их)*, братию и сестры, и сродники моя по плоти, и вся ближния рода моего, и други, и даруй им мирная Твоя и премирная благая. *(Поклон)*

Спаси, Господи, и помилуй по множеству щедрот Твоих вся священноиноки, иноки же и инокини, и вся в девстве же и благоговении и постничестве живущия в монастырех, в пустынях, в пещерах, горах, столпах, затворех, раселинах каменных, островех же морских, и на всяком месте владычества Твоего правверно живущия, и благочестно служащия Ти, и молящияся Тебе: облегчи им тяготу, и утеша их скорбь, и к подвигу о Тебе силу и крепость им подаждь, и молитвами их даруй ми оставление грехов. *(Поклон)*

Спаси, Господи, и помилуй старцы и юныя, нищия и сироты и вдовицы, и сущия в болезни и в печалех, бедех же и скорбех, обстояниих и пленениих, темницах же и заточениих, изряднее же в гонениих, Тебе ради и веры православныя, от язык безбожных, от отступник и от еретиков, сущия рабы Твоя, и помяни я, посети, укрепь, утеша, и вскоре силу Твоею ослабу, свободу и избаву им подаждь. *(Поклон)*

Спаси, Господи, и помилуй благотворящия нам, милующия и питающия нас, давшия нам милостыни, и заповедавшия нам недостойным молиться о них, и упокоивающия нас, и сотвори милость Твою с ними, даруя им вся, яже ко спасению прошения, и вечных благ восприятие. *(Поклон)*

Спаси́, Го́споди, и поми́луй по́сланныя в слúжбу, путешеству́ющия, отцы́ и бра́тию на́шу, и вся правосла́вныя христиа́ны. *(Поклон)*

Спаси́, Го́споди, и поми́луй ихже аз безúмием мо́им соблазних, и от пути́ спаси́тельнаго отврати́х, к делóм злым и неподóбным приведóх; Божéственным Тво́им Прóмыслом к пути́ спасéния па́ки возврати́. *(Поклон)*

Спаси́, Го́споди, и поми́луй ненави́дящия и оби́дящия мя, и творя́щия ми напа́сти, и не оста́ви их поги́бнути мене́ ра́ди, грéшнаго. *(Поклон)*

Отступив́шия от правосла́вныя véры и поги́бельными ересы́ми ослеплénныя, свéтом Тво́его познáния просвети́ и Святéй Тво́ей Апóстольстей Собóрней Цéркви причти́. *(Поклон)*

## **Об усопших**

Помяни́, Го́споди, от жити́я сегó отшéдшия святéйшия патриáрхи, преосвящénныя митрополíты, архиепíскопы и епíскопы правосла́вныя, во иерéйстем же и в причте́ церкóвнем, и мона́шестем чíне Тебе́ послужив́шия, и в вéчных Тво́их селéниях со святы́ми упоко́й. *(Поклон)*

Помяни́, Го́споди, ду́ши усо́пших рабо́в Тво́их, родите́лей мо́их (*имена их*), и всех срóдников по плóти; и прости́ их вся согрешéния во́льная и нево́льная, да́руя им Цáрствие и причáстие вéчных Тво́их благи́х и Твоея́ безконéчныя и блажénныя жи́зни наслаждéние. *(Поклон)*

Помяни́, Го́споди, и вся в наде́жди воскресéния и жи́зни вéчныя усо́пшия, отцы́ и бра́тию на́шу, и сéстры, и zde лежáщия и повсю́ду, правосла́вныя христиа́ны, и со святы́ми Тво́ими, иде́же присещáет свет лица́ Тво́его, всели́, и нас поми́луй, я́ко Благ и Человеколю́бец. Амíнь. *(Поклон)*

Пода́ждь, Го́споди, оставлénие грехóв всем прéжде отшéдшим в véре и наде́жди воскресéния, отцém, бра́тиям и сéстрам на́шим и сотвори́ им вéчную па́мять. *(Трижды)*

## **Окончание молитв**

Досто́йно ёсть я́ко воистину́ блаж́ити Тя Богорóдицу, Присноблажénную и Пренепорóчную и Мáтерь Бóга на́шего. Честнéйшую Херувíм и сла́внейшую без сравнénия Серафíм, без ислéния Бóга Сло́ва рóждшую, сущую́ Богорóдицу Тя велича́ем.

Сла́ва Отцú и Сы́ну и Свято́му Ду́ху, и ны́не и прíсно и во вéки веко́в. Амíнь.

Го́споди, поми́луй. *(Трижды)*

Го́споди, Иису́се Христé, Сы́не Бóжий, молитв ра́ди Пречы́стыя Твоея́ Мáтере, преподóбных и богоно́сных отéц на́ших и всех святы́х поми́луй нас. Амíнь.

---

[\[1\]](#) Выделенные от основного текста *примечания* и названия молитв не читаются во время молитвы.



[2] В молитвословах и богослужебных книгах часто пишут кратко «Сла́ва», «И ны́не», но читать надо полностью: «Сла́ва Отцу́ и Сы́ну и Свято́му Ду́ху», «И ны́не и прѣсно и во ве́ки веко́в. Ами́нь»

[3] В церковнославянском языке нет звука ё, а поэтому надо читать «зовѣм», а не «зовѣм», «твоѣ», а не «твоѣ», «моѣ», а не «моѣ» и т. д.

[4] В Православном молитвослове – 2-е изд., испр. и перераб. – СТСЛ, 2012. – 192 с. – приводится: в дѣлание заповедей Его́.

## **Начало обычное**

### **Трисвятое**

Святы́й Бо́же, Святы́й Кре́пкий, Святы́й Безсме́ртный, поми́луй нас. *(Читается трижды, с крестным знаменем и поясным поклоном.)*

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь [2].

### **Молитва ко Пресвятой Троице**

Пресвята́я Трои́це, поми́луй нас; Го́споди, очисти́ грехи́ на́ша; Влады́ко, прости́ беззакония́ на́ша; Святы́й, посети́ и исцели́ немо́щи на́ша, и́мене Твоего́ ра́ди.

Го́споди, поми́луй. *(Трижды).*

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь.

### **Молитва Господня**

Отче наш, Иже еси́ на небесѣх! Да святѣтся и́мя Твое́, да приидет Ца́рствие Твое́, да бу́дет во́ля Твоя́, я́ко на небесѣх и на земли́. Хлеб наш насущный да́ждь нам днесь; и оста́ви нам до́лги на́ша, я́коже и мы оставля́ем должникомъ на́шим; и не введи́ нас во искуше́ние, но изба́ви нас от лука́ваго.

### **Тропари Троичные**

Воста́вше от сна, припа́даем Ти, Бла́же, и а́нгельскую песнь вопи́ем Ти, Си́льне: Свят, Свят, Свят еси́, Бо́же, Богоро́дицею поми́луй нас.

Сла́ва Отцу́ и Сы́ну и Свято́му Ду́ху.

От одра́ и сна воздвѣгл мя еси́, Го́споди, ум мой просвети́ и се́рдце, и устне́ мой отве́рзи, во е́же пе́ти Тя, Свята́я Трои́це: Свят, Свят, Свят еси́, Бо́же, Богоро́дицею поми́луй нас.

И ны́не и прѣсно и во ве́ки веко́в. Ами́нь.

Внеза́пно Судия́ приидет, и коего́ждо дея́ния обнажа́тся, но стра́хом зове́м [3] в полу́нощи: Свят, Свят, Свят еси́, Бо́же, Богоро́дицею поми́луй нас.

Го́споди, поми́луй. *(12 раз)*

## Молитва ко Пресвятой Троице

От сна воставши, благодарю Тя, Свята́я Троице, яко мно́гия ра́ди Твоея́ бла́гости и долготерпéния не прогне́вался еси́ на мя, лени́вую и грéшную, ниже́ погуби́л мя еси́ со беззако́нныи моими́; но человеколю́бствовал еси́ обы́чно и в неча́янии лежа́щую воздви́гл мя еси́, во е́же у́треневати и славосло́вити держа́ву Твою́. И ны́не просвети́ мои́ о́чи мы́сленныя, отвéрзи мои́ уста́ поуча́тися словесе́м Твои́м, и разумéти за́поведи Твоя́, и твори́ти во́лю Твою́, и пéти Тя во испове́дании серде́чном, и воспева́ти всесвятóе и́мя Твое́, Отца́ и Сы́на и Свята́го Ду́ха, ны́не и при́сно и во ве́ки веко́в. Ами́нь.

Прииди́те, поклони́мся Царе́ви на́шему Бо́гу. *(Поклон)*

Прииди́те, поклони́мся и припаде́м Христу́, Царе́ви на́шему Бо́гу. *(Поклон)*

Прииди́те, поклони́мся и припаде́м Само́му Христу́, Царе́ви и Бо́гу на́шему. *(Поклон)*

## Псалом 50

Помилуй мя, Бо́же, по вели́цей ми́лости Твое́й, и, по мно́жеству щедро́т Твои́х, очисти́ беззако́ние мое́. Наипа́че омы́й мя от беззако́ния моего́ и от греха́ моего́ очисти́ мя; яко́ беззако́ние мое́ аз зна́ю и грех мой предо мно́ю есть ви́ну. Тебе́, Еди́ному, согреших и лука́вое пред Тобо́ю сотвори́х; яко́ да оправди́шися во словесе́х Твои́х и победи́ши, внегда́ суди́ти Ти. Се бо, в беззако́нних зача́та есмь, и во гресе́х роди́ мя ма́ти моя́. Се бо, и́стину возлюбил еси́, безвэ́стная и та́йная премудрости Твоея́ явил ми еси́. Окропи́ши мя иссо́пом - и очи́шуся; омы́еши мя - и па́че сне́га убелю́ся. Слу́ху моему́ да́си ра́дость и весе́лие: возра́дуются ко́сти смире́нныя. Отврати́ лице́ Твое́ от грех мои́х и вся беззако́ния моя́ очисти́. Серге́це чи́сто сози́жди во мне, Бо́же, и дух прав обнови́ во утро́бе мое́й. Не отвержи мене́ от лица́ Твоего́ и Ду́ха Твоего́ Свята́го не отыми́ от мене́. Возда́ждь ми ра́дость спасе́ния Твоего́ и Ду́хом Влады́чним утверди́ мя. Научу́ беззако́нныя путе́м Твои́м, и нечести́вии к Тебе́ обратя́тся. Изба́ви мя от крове́й, Бо́же, Бо́же спасе́ния моего́; возра́дуется язы́к мой пра́вде Твое́й. Го́споди, устне́ мои́ отверзеши, и уста́ моя́ возвестя́т хвалу́ Твою́. Яко́ а́ще бы восхотéл еси́ жéртвы, дала бых у́бо: всесожже́ния не благоволи́ши. Жéртва Бо́гу - дух сокруше́н; Серге́це сокруше́нно и смире́нно Бог не уничи́жит. Ублажи́, Го́споди, благоволе́нием Твои́м Сио́на, и да сози́ждутся стéны Иерусали́мския. Тогда́ благоволи́ши жéртву пра́вды, возноше́ние и всесожега́емая; тогда́ возложáт на олта́рь Твой тельца́.

## Символ веры

Вéрую во еди́наго Бо́га Отца́, Вседержи́теля, Творца́ не́бу и земли́, ви́димым же всем и неви́димым. И во еди́наго Го́спода Иису́са Христа́, Сы́на Бо́жия, Единоро́днаго, Иже от Отца́ рожде́ннаго пре́жде всех век; Све́та от Све́та, Бо́га и́стинна от Бо́га и́стинна, рожде́нна, несотворе́нна, единосу́щна Отцу́, Имже вся бы́ша. Нас ра́ди человек и на́шего ра́ди спасе́ния сше́дшаго с небéс и воплоти́вшася от Ду́ха Свя́та и Мари́и Дéвы и вочелове́чшася. Распя́таго же за ны при Понтийстем Пилáте, и страда́вша, и погребéнна. И воскресшаго в трéтий день по Писáнием. И возше́дшаго на небеса́, и сядя́ща одесну́ю Отца́. И па́ки грядúщаго со сла́вою суди́ти живы́м и мёртвым, Егóже Цáрствию не бúдет конца́. И в Ду́ха Свята́го, Го́спода, Животворя́щаго, Иже от Отца́ исходя́щаго, Иже со Отце́м и Сы́ном спокланя́ема и ссла́вима, глаго́лавшаго проро́ки. Во еди́ну Святу́ю, Собо́рную и Апóстольскую Цéрковь. Испове́дую еди́но крещéние во оставле́ние грехо́в. Ча́ю воскресéния мёртвых, и жи́зни бúдущаго ве́ка. Ами́нь.

## Молитва 1-я, прп. [Макария Великого](#) (†390)

Бóже, очисти мя грéшную, я́ко николи́же сотвори́х благо́е пред Тобóю; но избáви мя от лука́ваго, и да бу́дет во мне во́ля Твоя́, да неосужде́нно отве́рзу уста́ моя́ недостóйная и восхвалю́ и́мя Твое́ свято́е, Отца́ и Сы́на и Свята́го Ду́ха, ны́не и прísно и во ве́ки веко́в. Ами́нь.

## Молитва 2-я, того же святого

От сна воста́вши, полу́нощную песнь приношу́ Ти, Спа́се, и припа́дающи вопию́ Ти: не да́ждь ми усну́ти во грехо́вней сме́рти, но ущéдри мя, распни́йся во́лею и лежа́щую мя в ле́ности ускори́в возста́ви, и спаси́ мя в предстоя́нии и моли́тве, и по сне но́щнем возсия́й ми день безгрéшен, Христé Бóже, и спаси́ мя.

## Молитва 3-я, того же святого

К Тебе́, Влады́ко Человеколю́бче, от сна воста́вши прибега́ю, и на дела́ Твоя́ подвиза́юся милосе́рдием Твои́м, и молю́ся Тебе́: помози́ ми на вся́кое вре́мя, во вся́кой ве́щи, и избáви мя от вся́кия мирски́я злы́я ве́щи и диáвольскаго поспешéния, и спаси́ мя, и введи́ в Ца́рство Твое́ вéчное. Ты бо еси́ мой Сотвори́тель и вся́кому бла́гу Промы́сленник и Подáтель, о Тебе́ же все упова́ние моё, и Тебе́ сла́ву возсыла́ю, ны́не и прísно и во ве́ки веко́в. Ами́нь.

## Молитва 4-я, того же святого

Гóсподи, И́же мно́гою Твое́ю бла́гостию и вели́кими щедро́тами Твои́ми дал еси́ мне, [рабé Твоёй](#), мимоше́дшее вре́мя но́щи сея́ без напа́сти преи́ти от вся́каго зла́ протíвна; Ты Сам, Влады́ко, вся́ческих Творче, сподóби мя и́стинным Твои́м све́том и просвещéнным се́рдцем творити́ во́лю Твою́, ны́не и прísно и во ве́ки веко́в. Ами́нь.

## Молитва 5-я, свт. [Василия Великого](#) (†379)

Гóсподи Вседержи́телю, Бóже сил и вся́кия плóти, в вы́шних живы́й и на смире́нныя призира́яй, сердца́ же и утробы́ испыты́яй и сокровéнная челове́ков я́ве предвéдый, Безнача́льный и Присносу́щный Све́те, у Него́ же несть премене́ние, или́ преложéния осенéние; Сам, Безсме́ртный Царю́, приими́ молéния на́ша, я́же в настоя́щее вре́мя, на мно́жество Твои́х щедро́т дерза́юще, от скве́рных к Тебе́ усте́н творим, и оста́ви нам прегрешéния на́ша, я́же де́лом, и сло́вом, и мы́слию, ведением, или́ неведением согрешéнная на́ми; и очисти́ ны от вся́кия скве́рны плóти и ду́ха. И да́руй нам бо́дренным се́рдцем и трéзвенною мы́слию всю настоя́щаго жити́я но́щь преи́ти, ожида́ющим прише́ствия све́тлаго и явлéннаго дне Единорóднаго Твоегó Сы́на, Гóспода и Бóга и Спа́са на́шего Иису́са Христá, во́ньже со сла́вою Судия́ всех приидет, кому́ждо отда́ти по делóм егó; да не па́дше и обленивше́ся, но бо́дрствующе и воздвигнени́ в де́лание[\*] обря́щемся гото́ви, в ра́дость и Божéственный черто́г сла́вы Егó совни́дем, иде́же пра́зднующих глас непрестáнный, и неизречéнная сла́дость зря́щих Твоегó лица́ добрóту неизречéнную. Ты бо еси́ и́стинный Свет, просвещáяй и освяща́яй вся́ческая, и Тя поёт вся тварь во ве́ки веко́в. Ами́нь.

## Молитва 6-я, того же святого

Тя благослови́м, вы́шний Бóже и Гóсподи мило́сти, творя́щаго прísно с на́ми вели́кая же и неизсле́дованная, сла́вная же и ужа́сная, ихже несть числа́, пода́вшего нам сон во упокоéние нéмощи на́шея, и ослабле́ние трудо́в многотрудны́я плóти. Благодарим́ Тя, я́ко не погуби́л еси́ нас со беззакóньми на́шими, но человеколю́бствовал еси́ обы́чно, и в неча́янии лежа́щая ны́ воздвигл еси́, во е́же славослóвити держа́ву Твою́. Те́мже мо́лим безме́рную Твою́ бла́гость,

просвети́ наша́ мы́сли, очеса́, и ум наш от тяжкаго сна лѣности возста́ви: отве́рзи наша́ уста́, и исполни́ я Твоего́ хвалѣния, яко́ да возмо́жем непоколеблемо пѣти же и исповѣдаться Тебѣ́, во всех, и от всех сла́вимо́му Бо́гу, Безнача́льному Отцу́, со Единоро́дным Твои́м Сы́ном, и Всесвяты́м и Благо́им и Животворя́щим Твои́м Ду́хом, ны́не и прѣсно и во ве́ки веко́в. Ами́нь.

### **Молитва 7-я, ко Пресвятой Богородице**

Воспева́ю благода́ть Твою́, Влады́чице, молю́ Тя, ум мой облагодати́. Ступа́ти пра́во мя наста́ви, путе́м Христо́вых за́поведей. Бде́ти к пѣсни укрепѣ́, уны́ния сон отгоня́ющи. Свя́зану плени́цами грехопаде́ний, мольба́ми Твои́ми разреши́, Богоневѣсто. В но́щи мя и во дни сохра́няй, борю́щих враг изба́вляющи мя. Жизнода́теля Бо́га ро́ждшая, умерщвле́ну мя страстьми́ оживи́. Яже Свет невече́рний ро́ждшая, ду́шу мою́ ослѣпшую просвети́. О дѣвнѣ Влады́чнѣ палáто, дом Ду́ха Божѣственна мене́ сотвори́. Врача́ ро́ждшая, уврачу́й души́ моея́ многолѣтныя стра́сти. Волну́ющуюся житѣ́йскою бу́рею, ко стези́ мя пока́яния напра́ви. Изба́ви мя огня́ ве́чнующаго, и че́рвия же зла́го, и та́ртара. Да мя не яви́ши бесо́м ра́дование, ю́же мно́гим грехо́м повинни́цу. Но́ву сотвори́ мя, обетша́вшую нечу́вственными, Пренепоро́чная, согреше́нии. Стра́нну му́ки вся́кия пока́жи мя, и всех Влады́ку умоли́. Небе́сная ми уллучи́ти весе́лия, со все́ми святы́ми, сподо́би. Пресвята́я Дѣво, услы́ши глас непотре́бныя раба́ Твоея́. Струю́ дава́й мне слезáм, Пречи́стая, души́ моея́ скверну́ очища́ющи. Стенáния от се́рдца приношу́ Ти непреста́нно, усердствуй, Влады́чице. Молѣ́бную службу́ мою́ приими́, и Бо́гу благоутро́бному принеси́. Превы́шшая Ангел, мирска́го мя превы́шшу слѣ́тѣя сотвори́. Светоно́сная Се́не небе́сная, духо́вную благода́ть во мене́ напра́ви. Ру́це возде́ю и устне́ к похвалѣ́нию, оскверне́ны скверно́ю, Всенепоро́чная. Душетле́нных мя па́костей изба́ви, Христа́ приле́жно умоля́ющи; Ему́же че́сть и поклонѣ́ние подобáет, ны́не и прѣсно и во ве́ки веко́в. Ами́нь.

### **Молитва 8-я, ко Господу нашему Иисусу Христу́**

Многоми́лостиве и Всеми́лостиве Бо́же мой, Го́споди Иисусе́ Христе́, мно́гия ра́ди любве́ сшел и воплотѣ́лся еси́, яко́ да спасе́ши всех. И па́ки, Спа́се, спаси́ мя по благода́ти, молю́ Тя; а́ще бо от дел спасе́ши мя, несть се благода́ть, и дар, но долг па́че. Ей, мно́гий в щедро́тах и неизрече́нный в ми́лости! Ве́руяй бо в Мя, рекл еси́, о Христе́ мой, жив бу́дет и не узрит сме́рти во ве́ки. А́ще у́бо ве́ра, я́же в Тя, спаса́ет отча́янный, се ве́рую, спаси́ мя, яко́ Бог мой еси́ Ты и Созда́тель. Ве́ра же вмѣсто дел да вменѣ́тся мене́, Бо́же мой, не обря́щеши бо дел отню́д оправда́ющих мя. Но та ве́ра моя́ да довлѣ́ет вмѣсто всех, та да отве́щает, та да оправди́т мя, та да пока́жет мя прича́стницу сла́вы Твоея́ ве́чныя. Да не у́бо похѣтит мя сатана́, и похва́лится, Сло́ве, е́же отто́ргнути мя от Твоея́ руки́ и огра́ды; но или́ хо́щу, спаси́ мя, или́ не хо́щу, Христе́ Спа́се мой, предвари́ скоро́, скоро́ погибо́х: Ты бо еси́ Бог мой от чре́ва ма́тере моея́. Сподо́би мя, Го́споди, ны́не возлю́бити Тя, яко́же возлю́бѣх ино́гда той са́мый грех; и па́ки порабо́тати Тебѣ́ без лѣности то́шно, яко́же порабо́тах прѣ́жде сатане́ льсти́вому. Наипа́че же порабо́таю Тебѣ́, Го́споду и Бо́гу моему́ Иисусу́ Христу́, во вся дни живота́ моего́, ны́не и прѣсно и во ве́ки веко́в. Ами́нь.

### **Молитва 9-я, к Ангелу-Хранителю**

Святы́й Ангеле, предстоя́й ока́янней мое́й души́ и стра́стней мое́й жи́зни, не оста́ви мене́ грѣшны́я, ниже́ отступи́ от мене́ за невоздержáние мое́. Не да́ждь мѣста лука́вому дѣмону облада́ти мно́ю, насильством сме́ртнаго сего́ телесе́; укрепѣ́ бѣдствующую́ и худю́ю мою́ ру́ку и наста́ви мя на путь спасѣ́ния. Ей, святы́й Ангеле́ Бо́жий, хранителю́ и покровителю́ ока́янных моея́ души́ и те́ла, вся мене́ прости́, ели́кими тя оскорби́х во вся дни живота́ моего́, и а́ще что согреши́х в прешѣ́дшую но́щь сию́, покрый́ мя в настоя́щий день, и сохра́ни мя от вся́каго

искушения противнаго, да ни в коем гресе прогневаю Бога, и молюся за мя ко Господу, да утвердит мя в страхе Своем, и достойну покажет мя рабу Своея благости. Аминь.

## **Молитва 10-я, ко Пресвятой Богородице**

Пресвятая Владычице моя Богородице, святыми Твоими и всеисильными мольбами отжени от мене, смиренного и окаянного рабы Твоея, уныние, забвение, неразумие, нерадение, и вся скверная, лукавая и хульная помышления от окаянного моего сердца и от помраченного ума моего; и погаси пламень страстей моих, яко нищя есмь и окаянна. И избави мя от многих и лютых воспоминаний и предприятий, и от всех действий злых свободи мя. Яко благословенна еси от всех родов, и славится пречестное имя Твое во веки веков. Аминь.

## **Молитвенное призывание святой, имя которой носишь**

Моли Бога о мне, святая угодница Божия (*имя*), яко аз усердно к тебе прибегаю, скорой помощнице и молитвеннице о душе моей.

## **Песнь Пресвятой Богородице**

Богородице Дево, радуйся, Благодатная Марие, Господь с Тобою; благословенна Ты в женах и благословен плод чрева Твоего, яко Спаса родила еси душ наших.

## **Тропарь Кресту и молитва за Отечество**

Спаси, Господи, люди Твоя, и благослови достояние Твое, победы православным христианом на сопротивных даруя, и Твое сохраняя Крестом Твоим жительство.

## **Молитва о живых**

Спаси, Господи, и помилуй отца моего духовнаго (*имя*), родителей моих (*имена*), сродников (*имена*), начальников, наставников, благодетелей (*имена*) и всех православных христиан.

## **Молитва о усопших**

Упокой, Господи, души усопших раб Твоих: родителей моих, сродников, благодетелей (*имена*), и всех православных христиан, и прости им вся согрешения вольная и невольная, и даруй им Царствие Небесное.

*Если можешь, читай вместо кратких молитв о живых и усопших этот помянник:*

## **О живых**

Помяни, Господи Иисусе Христе, Боже наш, милости и щедроты Твоя от века сущия, ихже ради и вочеловечился еси, и распятие и смерть, спасения ради право в Тя верующих, претерпети избвлил еси; и воскрес из мертвых, вознеслся еси на небеса и седиши одесную Бога Отца, и призираеши на смиренные мольбы всем сердцем призывающих Тя: приклони ухо Твое, и услыши смиренное моление мене, непотребного рабы Твоея, в вою благоухания духовнаго, Тебе за вся люди Твоя приносящую. И в первых помяни Церковь Твою Святую, Соборную и Апостольскую, юже снабдел еси честною Твоею Кровию, и утверди, и укрепи, и расшири, умножи, умири, и непребориму адовыми враты во веки сохрани; раздирания Церквей утиши, шатания языческа ягаси, и ересей востания скоро разори и искорени, и в ничтоже силою Святаго Твоего Духа обрати. (*Поклон*)



Спаси́, Го́споди, и поми́луй богохрани́мую страну́ на́шу, вла́сти и во́инство ея́, да т́хое и безмо́льное жити́е поживе́м во вся́ком благоче́стии и чистоте́. *(Поклон)*

Спаси́, Го́споди, и поми́луй Вели́каго Господи́на и Отца́ на́шего Святéйшего Патриárха *(имя)*, преосвяще́нныя митрополи́ты, архиепи́скопы и епи́скопы правосла́вныя, иере́и же и диа́коны, и весь причет церкóвный, я́же поста́вил еси́ пасти́ словесное Твое́ ста́до, и моли́твами их поми́луй и спаси́ мя грéшную. *(Поклон)*

Спаси́, Го́споди, и поми́луй отца́ моего́ духо́внаго *(имя его)*, и святы́ми его́ моли́твами прости́ моя́ согреше́ния. *(Поклон)*

Спаси́, Го́споди, и поми́луй роди́тели моя́ *(имена их)*, бра́тию и се́стры, и сродни́ки моя́ по плóти, и вся́ бли́жняя ро́да моего́, и дру́ги, и да́руй им ми́рная Твоя́ и преми́рная благо́я. *(Поклон)*

Спаси́, Го́споди, и поми́луй по мно́жеству щедро́т Твои́х вся́ священно́инок, и́нок же и и́нокни, и вся́ в де́встве же и благоговéнии и по́стничестве живу́щия в монасты́рех, в пусты́нях, в пеще́рах, гора́х, столпе́х, затво́рех, разсе́линах ка́менных, остро́вех же морски́х, и на вся́ком ме́сте влады́чества Твоего́ право́рно живу́щия, и благоче́стно служа́щия Ти, и моля́щияся Тебе́: обле́гчи́ им тяготу́, и утэ́ши их скорбу́, и к по́двигу о Тебе́ си́лу и кре́пость им пода́ждь, и моли́твами их да́руй ми оставле́ние грехо́в. *(Поклон)*

Спаси́, Го́споди, и поми́луй ста́рцы и ю́ныя, ни́щия и сироты́ и вдови́цы, и су́щия в боле́зни и в печа́лех, беда́х же и ско́рбех, обстоя́нних и пленéнных, темни́цах же и заточе́нных, изря́днее же в гоне́ниях, Тебе́ ра́ди и ве́ры правосла́вныя, от язы́к безбо́жных, от отсту́пник и от еретико́в, су́щия рабы́ Твоя́, и помяни́ я, посети́, укрепи́, утэ́ши, и вско́ре си́лою Твоею́ осла́бу, свобо́ду и изба́ву им пода́ждь. *(Поклон)*

Спаси́, Го́споди, и поми́луй благотво́рящия нам, ми́люющия и пита́ющия нас, да́вшия нам ми́лостыни, и запове́давшия нам недосто́йным моли́тися о них, и упокоева́ющия нас, и сотвори́ ми́лость Твою́ с ни́ми, да́руя им вся́, я́же ко спасе́нию проше́ния, и ве́чных благ восприя́тие. *(Поклон)*

Спаси́, Го́споди, и поми́луй по́сланныя в слúжбу, путеше́ствующия, отцы́ и бра́тию на́шу, и вся́ правосла́вныя христиáны. *(Поклон)*

Спаси́, Го́споди, и поми́луй ихже аз безу́мием мо́им соблазни́х, и от пути́ спаси́тельного отврати́х, к делóм злым и неподóбным приве́дох; Божéственным Твои́м Прóмыслом к пути́ спасе́ния па́ки возврати́. *(Поклон)*

Спаси́, Го́споди, и поми́луй ненави́дящия и оби́дящия мя, и творя́щия ми напа́сти, и не оста́ви их поги́бнути мене́ ра́ди, грéшныя. *(Поклон)*

Отступи́вшия от правосла́вныя ве́ры и поги́бельными ересьми́ ослепле́нныя, све́том Твоего́ позна́ния просвети́ и Святéй Твое́й Апóстольстей Собóрней Це́ркви причти́. *(Поклон)*

## **О усопших**

Помяни́, Го́споди, от жити́я сего́ отше́дшия святéйшия патриárхи, преосвяще́нныя митрополи́ты, архиепи́скопы и епи́скопы правосла́вныя, во иере́йстем же и в причте церкóвнем, и мона́шестем чи́не Тебе́ послу́жившия, и в ве́чных Твои́х селéниях со святы́ми упоко́й. *(Поклон)*

Помяни́, Го́споди, ду́ши усо́пших рабо́в Твои́х, родите́лей мои́х (*имена их*), и всех сродни́ков по плóти; и прости́ их вся согрешéния вольная и невольная, да́руя им Ца́рствие и прича́стие вéчных Твои́х благо́х и Твоея́ безконéчныя и блаже́нныя жи́зни наслажде́ние. (*Поклон*)

Помяни́, Го́споди, и вся в наде́жди воскресе́ния и жи́зни вéчныя усо́пшия, отцы́ и бра́тию на́шу, и сёстры, и zde лежа́щая и повсю́ду, правосла́вныя христиа́ны, и со святы́ми Твои́ми, иде́же присе́щает свет лица́ Твоего́, всели́, и нас помилуй, я́ко Благ и Человеколю́бец. Ами́нь. (*Поклон*)

По́даждь, Го́споди, оставле́ние грехо́в всем прэ́жде отше́дшим в véре и наде́жди воскресе́ния, отце́м, бра́тиям и сёстрам на́шим и сотвори́ им вéчную па́мять. (*Трижды*)

## **Окончание молитв**

Досто́йно е́сть я́ко воистину́ блажи́ти Тя Богоро́дицу, Присноблаже́нную и Пренепоро́чную и Ма́терь Бо́га на́шего. Честне́йшую Херувим и сла́внейшую без сравне́ния Серафим, без ислéния Бо́га Сло́ва ро́ждшую, су́щую Богоро́дицу Тя велича́ем.

Сла́ва Отцу́ и Сы́ну и Свято́му Ду́ху, и ны́не и присно́ и во ве́ки веко́в. Ами́нь.

Го́споди, помилуй. (*Трижды*)

Го́споди, Иису́се Христе́, Сы́не Бо́жий, моли́тв ра́ди Пречи́стыя Твоея́ Ма́тере, преподо́бных и богоно́сных оте́ц на́ших и всех святы́х помилуй нас. Ами́нь.

---

[1] Выделенные от основного текста *примечания* и названия молитв не читаются во время молитвы.

[2] В молитвословах и богослужебных книгах часто пишут кратко «Сла́ва», «И ны́не», но читать надо полностью: «Сла́ва Отцу́ и Сы́ну и Свято́му Ду́ху», «И ны́не и присно́ и во ве́ки веко́в. Ами́нь»

[3] В церковнославянском языке нет звука ё, а поэтому надо читать «зовём», а не «зовём», «твоё», а не «твоё», «моё», а не «моё» и т. д.

[4] В Православном молитвослове – 2-е изд., испр. и перераб. – СТСЛ, 2012. – 192 с. – приводится: в делание заповедей Его́.